



MENNTAMÁLASTOFNUN

Víkurhvarfi 3 • 203 Kópavogi
postur@mms.is • www.mms.is
+(354) 514 7500

Ljósmyndaskólinn
Sigurborg Rögnvaldsdóttir, verkefnastjóri
Hólmaslóð 6
101 Reykjavík

Kópavogi, 1.11.2018

Vísað er til bréfs Ljósmyndaskólans, dagsett 11. september 2018, þar sem sótt er um viðurkenningu sem einkaskóli á framhaldsskólastigi.

Samkvæmt III. kafla laga um framhaldsskóla, nr. 92/2008 getur mennta- og menningarmálaráðherra veitt skólum, öðrum en opinberum framhaldsskólum, viðurkenningu til kennslu á framhaldsskólastigi. Í slíkri viðurkenningu felst staðfesting á því að starfsemi skóla uppfylli, á þeim tíma sem viðurkenningin er veitt, almenn skilyrði laganna og reglna sem settar eru með stoð í þeim. Reglugerð um viðurkenningu einkaskóla á framhaldsskólastigi nr. 426/2010 var sett 11. maí 2010.

Viðurkenning felur hvorki í sér vilyrði um framlög né fjárskuldbindingu af hálfu ríkissjóðs. Hún veitir nemendum skólans ekki sjálfkrafa rétt til fyrirgreiðslu úr Lánasjóði íslenskra námsmanna. Skólinn ber sjálfur alla ábyrgð á eigin skuldbindingum og starfsemi.

Skólanum ber, skv. 3. grein reglugerðar um viðurkenningu einkaskóla á framhaldsskólastigi, nr. 426/2010, að senda Menntamálastofnun árlega skýrslu um starfsemina og veita henni allar umbeðnar upplýsingar um rekstur og starfsemi þegar þess er óskað. Um skóla- og kennarafundi skal fara samkvæmt ákvæðum 9. og 10. gr. laga um framhaldsskóla. Skólinn skal hafa frumkvæði að því að upplýsa Menntamálastofnun án tafar um breytingar sem kunna að verða á starfsemi eða aðstöðu hans sem viðurkenning þessi byggir á. Uppfylli skólinn ekki lengur skilyrði laga, nr. 92/2008, um framhaldsskóla eða fyrirmæli sett samkvæmt þeim, getur ráðherra afturkallað viðurkenninguna. Ósk um endurnýjun viðurkenningar þessarar þarf að berast Menntamálastofnun ásamt fullnægjandi gögnum a.m.k. þremur mánuðum áður en hún rennur út.

Menntamálastofnun hefur metið skólanámskrá og önnur framlögð gögn um starfsemi Ljósmyndaskólans. Gögnin voru borin saman við lög um framhaldsskóla, reglugerð um viðurkenningu einkaskóla á framhaldsskólastigi og almennan hluta aðalnámskrár framhaldsskóla. Meðal atriða sem metin eru sérstaklega eru rekstrarform, markmið náms og markhópur nemenda, skólanámskrá (með hliðsjón af starfsháttum, skipulagi náms, inntökuskilyrðum, réttindum og skyldum nemenda o.fl.), námsbrautarlýsingar, staðfesting á fjárhagslegri ábyrgð og rekstraröryggi, menntun og kjör starfsfólks og starfsaðstaða.

Á grundvelli þess sem að framan greinir veitir Menntamálastofnun hér með Ljósmyndaskólanum, kt. 610907-7050, viðurkenningu til kennslu á framhaldsskólastigi til eins árs frá dagsetningu þessa bréfs. Viðurkenningin grundvallast á skólanámskrá Ljósmyndaskólans, og tekur til kennslu námsbrauta með námslok 11 – *viðbótarnám við framhaldsskóla* (fjórða þrep).

Viðurkenningin byggir á því að kennsla fari fram í húsnæði skólans að Hólmaslóð 6 í Reykjavík eins og því er lýst í umsókn, sem hefur verið tekið út og samþykkt af heilbrigðiseftirliti og slökkviliði höfuðborgarsvæðisins. Jafnframt byggir hún á því að starfsemi skólans fari fram samkvæmt þeim forsendum og skilyrðum sem rakin eru í umsókn. Áður en til endurnýjunar á þessari viðurkenningu kemur ber skólanum að tryggja að prófskírteini uppfylli kröfur þar um í aðalnámskrá framhaldsskóla en nýlega staðfestar námsbrautir eru staðsettar á hæfniprep og eðlilegt að uppfæra prófskírteini í samræmi við það. Þá ber skólanum að birta skólanámskrá á aðgengilegan hátt á vef skólans ásamt því að festa gæðakerfi í sessi og halda við með skipulögðum hætti með því að skrásetja feril varðandi innra gæðamat og hvernig unnið er að úrbótum innan skólans.

Með þessari viðurkenningu er staðfest að Ljósmyndaskólinn uppfylli viðmið til þess að kenna eftir staðfestum námsbrautalýsingum:

Skapandi ljósmyndun 1 (18-379-4-11), viðbótarnám við framhaldsskóla
Skapandi ljósmyndun 1 (18-380-4-11), viðbótarnám við framhaldsskóla

Skólinn skal birta viðurkenningarbréf þetta ásamt skólanámskrá, verðskrá og gjaldtökureglum á vef sínum. Menntamálastofnun áskilur sér rétt til að birta viðurkenningarbréf þetta á vef sínum ásamt skólanámskrá Ljósmyndaskólans.

Virðingarfyllst,



Arnór Guðmundsson
forstjóri